



Stimei mēmbri dl SVP-Ladina,

coche savëis à ai 4 de dezēمبر metù man la cumpededa statistica online dla popolazion residēnta de Südtirol, che jirà inant nchina ai 29 de fauré. Dal mēns de auril inant messeran fé la detlarazion sun papier, persones nciariedes jirà da cēsa a cēsa per partì ora y tlupé adum i formulares.

Aldò dla desposizions dl Statut de autonomia vën uni persona che à cumpli i 18 ani y che à sibe la zitadinanza taliana che la residēnta tla provinzia de Bulsan prieda de dé ju na detlarazion anonima de purtenienza linguistica (ladin/tudësch/talian).

Chēsta ne ie nia na detlarazion ndividuēla che n adrova per piē do na stiera publica, ma l se trata na detlarazion fundamentēla per stabili la perzentuēla dla trēi grupēs linguistichēs (= pruporz)!

L grup linguistich ladin ie sambēn l mēnder, y n adrova perchēl n sustēni particular, ajache la normes provinzieles vēiga danora de partì su la ressorsēs danter la trēi grupēs linguistichēs cun n criter pruporzionel y avisa n pruporzion ala cumposizion dla trēi grupēs vēniel pona calculà la reprejentanza che ti spieta ala popolazion ladina pra la stieres publiches, per l'asseniazion di cuatieres alesirei y per la soma di cuntribuc per la lies cultureles, la lies de ulentariat y nce l finanziamēnt per la furnazion y l'ativitēies cun y per nosta junēza.

Sciche sēurastant dla SVP-Ladina nviēi uniun y uniuna de Vo de sensibilisé la popolazion y a tò pert ativamēnter ala cumpededa linguistica.

Lauron per ti dé forza al'identità de nosta comunità ladina: la va de tenì adum, per fé valēi nosc dērc! Ulēssi rengraziē dutes y duc i mēmbri dl SVP-Ladina, per l sustēni y la respunsabltà che ulēis desmustré te chēsta ucajian.

De gra de cuer,

Daniel Alfreider

Sēurastant dla SVP-Ladina